



ЛЕЗГИ

Газет

**Жуван Ватан,
ватанэгълияр хуьх!**

Дагъустан Республикадин Къилин Указ

1. "Дагъустан Республикадин исполнительный властдин органрин кьурлушдин гъакъиндай" 2013-йисан 13-сентябрдиз Дагъустан Республикадин Президентдин 257-нумрадин Указда (Дагъустан Республикадин законнар акъудай Собранидин 213, №17, ст.1087; №430; №14, ст.790; №17, ст.964; №18, ст.1037; №19, ст. 1110; №22, ст.1307 2015-йисан 4-ноябрдиз акъатай «Дагъустандин правда»; 2015-йисан 23-ноябрдиз акъатай 287-нумрадин ва 2016-йисан 22-январдиз акъатай 14-нумрадин Указрин редакцияда кьалурнавайвал) 2-пунктуна "Дагъустан Республикадин Гьукуматдин Председателдин Сад лагъай заместитель" "Дагъустан Республикадин Гьукуматдин Председателдин Сад лагъай кве заместитель" гафаралди дегишарин.

2. И Указ вичел кьул члугур йикъалай кьуватда гъатзава.

Дагъустан Республикадин Къил Р.АБДУЛАТИПОВ
Махачкъала шегьер, 2016-йисан 1-февраль, №26

1920 – йисалай акъатзава

N 5 (10702) хемис 4 – февраль, 2016 – йис WWW.LEZGIGAZET.RU

Къимет "Дагпечатдин" киоскрай - 10 манат

Дагъустан Республикадин Халкъдин Собранидиз Дагъустан Республикадин Къилин Чар



1-февралдиз Махачкъалада РД-дин вад лагъай сеферда хянавай Халкъдин Собранидин яхцлурни цемужуьд лагъай сессия кьиле фена. Сессия ачухай РД-дин Халкъдин Собранидин Председатель Хизри Шихсаидова кьейдна: "Къе сессиядал РД-дин Халкъдин Собранидиз Дагъустан Республикадин Къилин Чар (гъахъ-гъисаб) раижда. Им чи республикадин уьмуьрда важиблу вакъиа, властдин вири органар патал кьваллахдин программа я, - лагъана ада. Сессиядиз а Чар гележегда кьилиз акъудун лазим тир ксариз теклифнава. Зун инанмиш тирвал, гъеле мукъвал тир йикъара, энгелвилер авачиз, абур кардив эгечда". Сессиядал гъанвай месэляяр тестиькарайдалай гуьгъуьниз Хизри Шихсаидова республикадин Къил Рамазан Абдулатиповаз гаф гана.

Дагъустан Республикадин Халкъдин Собранидин гьурметлу депутатар! Дагъустан Республикадин Гьукуматдин гьурметлу членар, муниципальный тешкилатрин кьилер, властдин федеральный органрин, общественный организационрин векилар!

Гьурметлу дагъустанвийр!
Дагъустан Республикадин Конституциядал асаслу яз за республикада авай гьалдин гъакъиндай, Дагъустан Республикада гьурметлу политика кьилиз акъудунин нетижайрин ва адан гележегдин гъакъиндай Чар (гъахъ-гъисаб) Халкъдин Собранидиз, акъ хъайила, Дагъустандин халкъдизни раижзава. Чар (гъахъ-гъисаб) Федеральный Собранидиз Россиядин Федерациядин Президент В.В. Путинан Чарчин асул положенийрин биндаллаз гъазурнавайди я. Ана кьенепатан

ва кьецепатан политика авай гьал гегьеншдаказ веревирднава ва чи муракаб девирди вилик эцигъзавай агьур месэлайриз жавабар ганва.

Дагъустанвийри Россиядин Федерациядин Президент В.В. Путинан политикадин тереф тамамвилелди хуьзва. Дагъустандикай рахадайла, чна Россиядикай фикирзава, Россиядикай рахадайла, чна Дагъустандикай фикирзава. Ибур чун виликди тухузвай, чи умуми кьисметдин кьве лув я. Чна, дагъустанвийри, вири уьлкведихъ галаз, Россиядин вири халкъдихъ галаз санал фикирзава, кьвалахзава, санал веревирдер ийизва, гъалибвилер къазанмишзава. Алай аямдин дуньяда арадал атанвай кризисдин гьалари

▶ 2

И.И.ЭФЕНДИЕВАН гъакъиндай Дагъустан Республикадин Къилин Указ

1. ЭФЕНДИЕВ Исмаил Ибрагимович виликдай алай кьуллугъдикай азад авуналди, Дагъустан Республикадин Къилин ва Гьукуматдин Администрациядин Руководительвиле тайинарин.

2. И Указ адал кьул члугур йикъалай кьуватда гъатзава.



Дагъустан Республикадин Къил Р.АБДУЛАТИПОВ
Махачкъала шегьер,
2016-йисан 1-февраль, №28.

Р.М.АЛИЕВАН гъакъиндай Дагъустан Республикадин Къилин Указ

1. АЛИЕВ Рамазан Мегамедович виликдай алай кьуллугъдикай азад авуналди, Дагъустан Республикадин Гьукуматдин Председателдин Сад лагъай заместителвиле тайинарин.

2. И Указ адал кьул члугур йикъалай кьуватда гъатзава.



Дагъустан Республикадин Къил Р.АБДУЛАТИПОВ
Махачкъала шегьер,
2016-йисан 1 февраль, №27

Февралдиз РД-дин Халкъдин Собранидин депутатрин центрада агъалияр къабулда

1. КАМАЛДИНОВ Мегамед Камалдиновича 9.02
2. ШАМХАЛОВ Джапарбег Чупалиевича 10.02
3. МУСЛИМОВ Мегамедзагъид Гаирбеговича 11.02
4. АЛИЕВ Гьасан Гьадисовича 17.02
5. ГЪАСАНОВ Гьасан Абдуллаевича 18.02
6. АГЪМЕДОВ Сайгидагъмед Салиговича 24.02
7. ИСАКЪОВ Сейфула Бейдулаговича 25.02

КЪЕЙД: винидихъ твар кунвай йикъара пакаман сятдин 10-далай нянин сятдин 5-далди къабулда. Нисинин 1-далай 2-далди ял язавай вахт я.



МЕДЕНИЯТ

Дербентда "Дуньядин медениятринни динрин тарихдин музей" ачухна. 27-январдиз и музейдин кьуллугъчяр чпин "Открытие храма. Дом Бога. Места силы" выставкадин проект гъаз Ахцегъиз атана. Край чирдай музейдин коллективдихъ галаз выставка ачухна.

▶ 11



СПОРТ

Махачкъалада армспортдай Дагъустандин чемпионат кьиле фена. Ана гъалиб хъайибуру алай йисан мартдиз Москвадин патав гъай Раменское шегьерда кьиле фидай Россиядин чемпионатда иштиракда.

▶ 12

Халкъдихъ кузвай ялавлу рикI

Ш.ШИХМУРАДОВ

“Я ви, я зи экв хкахъдач, эгер риклер халкъ патал куз хъайтIа”, - Багъир Ражабович РАЖАБОВАН “Рагъ хкахъдач” шиирдин и цIарар адан вири яратмишунрин эпиграф, уьмуьрдин, зегьметдин рекъе виликди финин маяк яз гьисабиз жеда. Адан вичин фикирдалди, им мидаимвилдин законя.

Алатай йис Литературадинди тир. Адан нетижаяр къуналди, са къадарбуруз медалар, дипломар, грамотаяр ва маса пишкешар ганва. Багъир Ражабович лагъайтIа, РФ-дин писателрин Союздин Москва шегьердин организациядин Президиумдин (В.Гусев), Правленидин (В.Бояринов) къарардалди М.Ю.Лермонтов тIварунихъ галай “Недаром помнит вся Россия” Дипломдиз ва “М.Ю.Лермонтов, 1814-1841” медалдиз лайихлу хъана. Абурад авад цийи йисан вилик Хивда Манаф Шамхалован 100 йисан юбилей къейдзавай мярекатдал вахкана.

Вучтин кас я Б.РАЖАБОВ? Багъир 1933-йисан 5-майдиз Хивда дидедиз хъана. Дагъустандин халкъдин шайр Муталиб Митарова къейд авурвал, Багъир хъсан инсан, яратмишунардай кас яз виликди финин карда табасарандин литературадин бине кутурбурукай сад, бажарагълу шайр, писатель ва драматург Манаф Шамхалован мукъвавиле еке роль къугъвана. Инсандин, халкъдин дерди-гъалдикай хабар къун, граждандилин гьисс, кьиле физвай вакъийаривай бейтеревилелди къерехда акъваз тавун Багъираз гьеле жегил-жаван тир йисарилай инихъ хас я. Гъавилляй адан яратмишунрин лирикадин игитни уьмуьрдихъ, обществодихъ, алемдихъ галаз сикъдиз алакьалу яз хъун дуьшуьшдин кар туш.

Табасарандин литературадиз ам алатай асирдин 60-йисара атана. Къей сифте шейэр райгазетдин чинра, табасарандин альманахда чапзавай. Ам цIипуд табдин автор я. Къенвай эхиримжи эсерар романар я: “Намуьсдин сир” ва “Цийи йикъан экуьник”. Литературадин критикада абуруз хъсан къимет ганва.

Багъир Ражабовичан майилар гъамиша къени, дуьзгуьн, зегьметчи, чпин везифаяр намуслувилелди тамамарзавай инсандин пата ава. Малум тирвал, Табасаран фадлай инихъ халкъдин гъилин сеняткарвилералди, гуьзел гам-халичайралди, и рекъяй зурба устадралди машгъур я. Гъавилляй инал Багъира абуруз “Халича” шиирда бахшнавай цIарар тагъана жедач.

*Прелесть вашего ковра
Привлекла невольно взор.
Это живо, тонко, ярко
Ваши сделанный ковер.
Много радостных мгновений
Дал он сердцу моему...
Бесханум, Пери и Джума,
Жар души и мастерство,
Чувства лучшие и думы
Вы вплели в ткань его.
Вяжь за вязью, к нитке -
нитка,*



*За узором вновь узор.
Дни, недели, год, но выткан
Замечательный ковер.
Горячо работу эту
Хвалят все со всех сторон.
В дар Верховному Совету
Он не зря преподнесен.*

Багъир жуьреба-жуьре гзаф терефрин, интересрин, бажарагъдин инсан, устад пешекар я. Килиг ада шумуд чIехи вузда шумуд жуьредин дерин чирвилер къачунватIа: жуьреба-жуьре йисара ада Саратовдин журналистикадин къилин школа, Москвада КПСС-дин ЦК-дин къвалав гвай Высший партшкола, Кубандин госуниверситетдин юридический факультет акъалтIарна.



Вичин хайи районада Багъир Ражабовича ВЛКСМ-дин райкомдин 1-секретарвиле, “Октябрдин экв” газетдин редакторвиле, КПСС-дин райкомдин 1-секретардин куьмекчивиле къвалахна. Гъа са вахтунда 20 йисуз райондин халкъдин контролдин председателдин заместителвиле везифаярнин тамамарна. Эхиримжи къад йисуз лагъайтIа, РФ-дин юстициядин Министерстводин отделдин начальник яз хъана.

Дагъустанвийриз ам РФ-дин писателрин, журналистрин союзрин член, юстициядин полковник, РФ-дин лайихлу юрист, ялавлу ватанперес, публицист, СССР-дин халкъдин контролдин лайихлу работник, машгъур общественно-политический деятель яз чида.

Республикадин юстициядин министерствода къвалахдайла, Б.Ражабова Дагъустанда вагъабизм къадагъа авунин гъакъиндай

закон къабулунин месэла къарагъарна. И закондин автор гъам я. Къад йисуз ам Дагъустандин гъукуматдин къвалав гвай правовой пропагандадин Координационный методсоветдин жавабдар секретарь яз хъана. И важиблу везифаярни касди, вичиз гъамиша хас тирвал, намуслукадакъ кьилиз акъудна - мукъвал-мукъвал чкайрал физ, агъалияр гъавурдик кутуна.

Багъир Ражабович Дагъустандин коммунистрин организациядин регъберрикай сад я. Амни и тешкилат арадал хкунин бинейрив гвай, яргъал йисара рескомдин контрольный комиссиядин председатель яз хъана.

Гзаф намуслу, вичин фикиррал, къатунрал, идеяйрал кIеви, дуьзвал, гъахълувал, закон-къанун, адалат къандай михъи, къени, халис коммунист я. СССР чукуруни адан рикIни гзаф тIарна. 90-йисара Б.Ражабован 200-далайни гзаф макъалаяр центральный ва республикадин газетриз акъатна. Абура а девирдин вири месэлаяр къарагъарнавай. Ам Советрин Союз чукурунияз, уьлкве зайифарунияз, Дагъустан хътин гзаф миллетрин республика президентдин къурулушдин къайдада идара авунияз акси тир. Гзафбуру хъиз, ада вичин фикирар, идеяяр дегишарнач. 1991-йисуз “Советская Россия” газетдиз акъатай адан “Пусть осенит нас отвага отцов” къил ганвай макъалади иллаки екез ван авунай - вири уьлкведин гъар са пипляй автордин тереф хуьзвай чарар атанай. Гъелбетда, вири халкъдин пай квай девлетар, ресурсар, власть гъиле гъатнавай, вил рагъакIидай пата авай, США-ни НАТО чи дустар я лугъузвай “демократриз” Багъир Ражабов, ада тухузвай активный къвалах хуш тушир, адаз къурхуяр гудайбури авай. Амма Багъир кичебурукай туш. Са гафуналди, Багъир Ражабович хътин халис коммунистар-патриотар гзаф хъанайтIа, СССР-ни чукуриз жедачир, къе халкъ, уьлквени ихътин гъалдиз къведачир.

Багъир Ражабовичан яргъал йисарин намуслу зегьмет 13-дав агакъна наградайралди, гъурметдин грамотайралди, хурудал гъалдай партийный пуд знакдалди къейднава.

Б.Ражабов хуьряй республикадин меркездиз атайдалай инихъ яхцIур йисалай гзаф вахт алатнава. Амма ада вичин багъри ерийрихъай садрани къвач атIузвач, анра жезвай вири мярекатра иштиракзава. Гъа са вахтунда гъевчи ватан, багъри жемятни чпин чIехи ватанперес, инсанперес хъиз буржлу яз амуькзавач. ИкI, месела, 2015-йисуз райондин 80 йисан юбилей къейддайла, Хиврин хуьре чпин баркаллу хва Багъир Ражабован тIварунихъ са куьче яна. Зи фикирдалди, ам виридаз аквадай са къакъан чкадал гуьмбет эцигунизни лайихлу я.

Гъурметлу Багъир Ражабович! Чна ваз Литературадин йисуз вун лайихлу хъанвай чи рикI алай зурба шайр М.Ю.Лермонтован тIварунихъ галай Диплом ва медаль мубаракзава. Къуй квехъ мягъкем сагъламвал, яргъал уьмуьр ва мадни чIехи агалкъунар хъурай!

Меденият вилик тухузвайди

Райсудин НАБИЕВ

Гзаф дуьшуьшра чи жегил-жаванри чпиз гележегдин каркеспидин иеси хъунин мурад рикIевав мектебда кIелдай йисара гзаф алцумунар ийида. Амма Зейнулагъа ихътин вахтара садан падни ядачир, ада вичин таяриз “За анжах медениятдин рекъе къвалахда” лугъудай. Санал кIелзавай бязи гадайриз а “меденият” гафуниин манани чидачир, гъавилляй адахъ галаз гуьжегарни ийидачир. Зейнулагъ тарсарилай гуьгуьнияз мукъвал-мукъвал библиотекадиз, клубдиз фидай. Инра ада стендрилай, альбомрай, журналрай аквазвай гъар жуьредин къаматар къалурзавай шиклириз гзаф фикир гудай, абурал гъейранвални ийидай. Ада лезги адетриз, чи бубайрин гъилин сеняткарвилериз, медениятдин активистриз, абуралай алакьзавай халкъдиз герек пешейриз иллаки гзаф интерес ийиз жедай. Вичи рикIел хкизвайвал, хуьруьз симинин пагъливанар атана къугъвадайла, ам хътин аялар сикIрен гуьгуьна катиз, адан патар къаз ялиз жедай. Зейнулагъ лагъайтIа, симиналлай пагъливандиз, ада тамамарзавай уюнриз-нумрайриз дикъетдивди тамашдай, патав гвай зуьрнечийриз вил ядай, иллаки далдамчидин макъамар бегенмиш тир. И крари адаз меденият, адан сирер мадни мукъва ийизвай, гуьгуьнлай ибуур медениятдин рекъе адан сифтегъан камариз къуватни хъана.

Ингъе мектеб хъсандиз кIелна акъалтIарай Зейнулагъ НАВРУЗОВ сифте культпросветучилищедиз гъахна. Анаг акъалтIарна, КIварчагърин хуьруьн Културадин къвале къвалахал акъ-




вазна. Ина адакай художественный самодеятельностдин руководител хъана. Гъа са вахтунда ада жегил музыкантрин гъевескар артистрин дестени къватIна. Абуру манияр лугъузвай, далдам язавай, интермедияр къалурзавай. Зейнулагъа декламаторвални ийидай. Медениятдин хиле алакьунар авайди Зейнулагъан руководителрини къатIана ва 1975-йисуз адал хуьруьн Културадин къвалин директорвал авун ихтибарна. И кар ада алай вахтундани давамарзава.

Гъа са вахтунда Зейнулагъ вичихъ хъанвай агалкъунрал, къачунвай чирвилерал секин хъана акъвазнач. Ам Краснодардин културадин институтдик экечIна ва 1985-йисуз анаг заочникакъ куьтягъна. Гъа вахтундилай ингъе гилалди Зейнулагъа гъевчи чIавалай вичин рикI алаз хъайи куьлтработникдин пешедай зегьмет чIугъваза. Райондин сад авунвай художественный самодеятельностдин активный иштиракчини яз З.Наврузова районада, ададай къецени кьиле тухузвай шадвилдин мярекатра активвилелди иштиракзава, вичин алакьунралди ада гъурмет къазанмишзава. Зейнулагъа гзафни-гзаф халкъдин арада чи хъсан адетар, бубайрилай амай, амма къе къвачел акъалдарна къанзавай гъилин сеняткарвиле жуьреяр райж ийизва, са жерге сеняткарвилерай вичин устадвал къалурзава (шикилда).

Зейнулагъ Наврузов общественный къвалахрани къулухъ акъвазавач. Ам жегилрин насигъатчи я, КIварчагърин хуьруьн агъсакъалрин, дяведин ва зегьметдин ветеранрин Советдин, диде-бубайрин патай хуьруьн юкъван мектебдин комитетдин председател, “Куьредин ярар” медениятдин центрадин членни я. Вири везифаяр ада намуслувилелди кьилиз акъудзава. Зейнулагъ Наврузован къвалах гъурметдин грамотайралди, дипломралди, пишкешралди къейднава. Адакай Дагъустан Республикадин културадин работникрин III лагъай съезддин делегатни хъанай.

Адан рикI, гъа виликрай хъиз, гилани манияр лугъунал ва теснифунал ала.



“Иван Ярыгин” Гран-При турнирдин нетижаяр

АЗАДКАЗ КЪУРШАХАР КЪУН

Гъазурайди - Рагнеда РАМАЛДАНОВА

Алатай гъафтеда Красноярскда азадказ къуршахар къунай “Иван Ярыгин” Гран-При сериядин международный турнир кыле фена. Красноярский крайдин спортдин министерстводи хабар гузвайвал, и акъажунра Россиядилай гъейри, США-дай, Грециядай, Япониядай, Италиядай, Къазахстанда, Монголиядай, Словакиядай тир саки 300-дав агакна спортсменри иштиракна. Россиядин хянавай команда лагъайтла, турнирда виридалайни екеди тир. Чи улькведин саки вири регионрай тир 193 спортсменди гъасиррал чпин алакьунар къалурна. 44 медаль къазанмишуналди командайрин арада Россиядин хянавай команда 1-чкадиз лайихлу хъана. ИкI, чи спортсменри къизилдин -12, гимишдин -9 ва буъруьнждин 23 медаль къазанмишна.



Къейд авун лазим я хьи, алатай йисара хъыз, цинин йисузун Россиядин хянавай командадик дагъустанвийрини еке пай кутунвай. ИкI, Россиядин регионрайкай Дагъустандин хянавай команда виридалайни чехибурукай сад тир: аник 36 спортсмен квай. Нетижаярни писбур хъанач-республикадин “азадбуру” 11 медаль (къизилдин - 1, гимишдин - 3, буъруьнждин - 7) къазанмишна. Къизилдинди тир са медалдин сагиб Шамил КУДИЯМЕГЪАМЕДОВ я, 86 кг-дин заланвал авайбурун арада финалдин акъажунра адаз дагъустанви Арсенали МУСАЛАЛИЕВ кумукъна.

Чи республикадин хянавай командадин кылин тренер Сажид Сажидова къейд авурвал, алай вахтунда спортсменрин вилик кылин везифа ква - къуватар садна, Олимпиададин къугъунриз хъсан гъазурвал акун. Идалайни гъейри, Иван Ярыгинан тварунихъ галай турнирда къазанмишнавай нетижайриз килигна, улькведин хянавай командадин тренерин штабди алай йисан мартдиз Латвияда кыле фидай Европададин чемпионатда иштиракдай спортсменар тайинарда.

Чаз авай малуматралди, лезгийрикай и турнирда са Даурен КУРУГЪЛИЕВА иштиракна. Чи ватандашди Красноярскда кыле феи акъажунра 86 кг-дин заланвал авайбурун арада буъруьнждин медаль къазанмишна.

Къейд авун лазим я хьи, турнирдин сифтеган бягсер Д. Куругълиева гъалибвилер къазанмишуналди акъалтарна. Ярумчух финалдин эхиримжи секундда ам Арсенали Мусалалиеваз кумукъна. “Буъруьнж” патал риклиз теселли гудай бягсина Даурен Куругълиеваз вичин къуватар Агъмед Мегъамедовахъ галаз ахтармишун къисмет хъана, чи ватандашди 6:1 гъисабдалди гъалибвал къазанмишна.

РИКЛЕЛ ХКИН: Даурен Куругълиева 2015-йисуз иллаки хъсан нетижаяр къазанмишна. ИкI, галаз-галаз 19 бягс (Къадирован турнирда - 5, межконтинентальный Кубок патал акъажунра - 4, Шихсаидован призар патал турнирда - 5, Кунаеван турнирда - 5) ада гъалибвилер къазанмишуналди акъалтарна. Мадни ада алатай йисуз США-да кыле феи дуньядин Кубок патал вири акъажунра гъалибвилер къазанмишна. Даурен Куругълиев Москвда кыле феи Вирироссиядин студентрин акъажунра, Грецияда “Олимпия-2015” турнирда, октябрдин вацра пуд (Грозный шегерда Къадирован, Хасавуртда Умаханован ва Бугленда Шихсаидован) турнирда, декабрдиз Къазахстанда Кунаеван турнирдани къизилдин медалриз лайихлу хъанай.

Къегъал риклел хуьнин турнир

ВОЛЕЙБОЛ

Шагъбала ШАГЪБАЛАЕВ

И йикъара Докъузпара райондин Цийи Къаракъуре хуьруьн спорт-комплексда интернационалист аскер Сократ Гъажиевич ГЪАЖИЕВ риклел хуьнин гъурметдай райондин командайрин арада волейболдай турнир кыле фена. И жуьредин акъажунар, адет хъанвайвал, спортдин жуьреба-жуьре хилерай гъар йисуз тухузва: азадказ къуршахар къунай, футболдай, волейболдай. Спонсорарни рагъметлу Сократан буба-Гъажи, халу ва масабур я.

Сократ Гъажиевич ГЪАЖИЕВ 1965-йисуз Усугъчайдал дидедиз хъана. Хуьруьн юкъван школа

акъалтйарай жегил 1983-йисуз Дагъустандин педиститутдин тарихдин факультетдиз гъахна. 1984-йисуз Сократ гъуьгуьллувилелди Советрин Армиядин жергейриз фена. Ашхабад шегерда сержантвиллин школа акъалтйарай С.Гъажиев гъа йисан октябрдиз Афгъанистандиз рекъе твазва. Ана сержантди гуд вацран вахтунда дяведин 14 ягъунра иштиракна. Разведкадин взводдин командирдин заместителди дагъдин мишекъат шартлара жуьрэтлувал къалурна, душманривай яракъар вахчуна, цуд цун точка тергна. 1984-йисан 27- декабрдиз кыле феи ягъунра Сократ Гъажиевич залан хирерикди телеф хъана. Адан къегъалвилер чи гъукуматди Яру гъед ордендалди къейдна. Усугъчайдин СОШ-дин пионеррин тешкилат С.Гъажиеван тварунихъ янава. 19 йисан яшда авай Сократа

Ватандин вилик вичин буржи намуслувилелди кылиз акъудна. Ахтын рухваяр чи риклелай садрани алатдач...

ИкI, Афгъандин къегъал риклел хуьнин турнирда Докъузпара райондин хуьрерин 7 командади иштиракна. Кыле феи къизгын акъажунра 1-чка Мискискарин СОШ-дин командади къуна. Усугъчайдин СОШ-дин команда - 2 ва Къаракъуредин СОШ-дин команда 3-чкадал хъана.

“Докъузпара район” муниципальный тешкилатдин спортдин ва физкультурадин отделди волейболистри агалкъунар грамотайралди, риклел аламукъдай медалралди къейдна. Эхирдай Сократан бубади ва халуи турнир кыле тухунин рекъай терефдарвиллин кумекчир тир райадминистрациядин къуллугъчийриз чухсагъул малумарна.

Къизгын бягсерин нетижа

АРМСПОРТ

И йикъара Махачкъалада, Гъайдарбег Гъайдарбегован ДЮСШ-да, армспортдай Дагъустандин чемпионат кыле фена.

Заланвиллин 11 категориядай республикадин шегеррай ва районрай тир 100-дав агакна спортсменри чпин гилерин къуватар ахтармишна. ИкI, 75 кг-дин заланвал авай спортсменрин арада виридалайни къизгын бягсер кыле фена. Тамам зур сятда гилерин къуватар саклани ахтармишиз тахъайла, бягс акъазарна, къведни - Камран АТАЕВ (Махачкъала) ва Абдул УНИКАЕВ (Каспийск) - гъалиб хъайибур яз гъисабна.

Дагъустандин чемпионвиллин тварар къазанмишайбурун арада мадни ава: Замир ИСАЕВ (60 кг, Сулейман-Стальский район), Рус-



лан НИКОЛИН (55 кг, Махачкъала), Межид УСТАРХАНОВ (65 кг, Махачкъала), Низами РАБАДАНОВ (70 кг, Махачкъала), Эрзиман АЛИСУЛТАНОВ (80 кг, Махачкъала), Адлан САЙДУЛАЕВ (85 кг, Хасавурт), Мегъамедвели ХАЛИКЪОВ (90 кг, Махачкъала), Султан МУТАЕВ (100 кг, Махачкъала), Муслим АЛЪБУТА-

ЕВ (110 кг, Хасавурт), Мегъамед-расул ХИЗРИЕВ (110 кг-дилай гзаф заланвал, Каспийск).

Дагъустандин чемпионатда гъалиб хъайи вири спортсменриз алай йисан мартдиз Спортскадин патав гъай Раменское шегерда кыле фидай Россиядин чемпионатда иштиракдай мумкинвал ава.

Ахцегъа турнир



Акъажунар кыле физвай вахт

ШАХМАТАР

Рагъдин ЭМИНОВ

И мукъвара Ахцегъа аялрин Яратмишунрин квалле (ДДТ) райондин школайрин ученикрин арада “Лацу ладья” твар алаз шахматрай турнир кыле тухвана. Ам тешкилай-бур райадминистрациядин жегъилрин крарин, спортдин ва туризмдин рекъай отдел ва РУО-дин

руководство тир. Ада Ахцегърин 1 ва 2-нумрайрин СОШ-рин, 3-нумрадин ООШ-дин, Цуругърин, Хуьруьгрин, Къурукаларин хуьрерин школайра келзавай аялри иштиракна. Турнирдин кылин судьявал ДДТ-дин директор Т.АЛЛАГЪВЕРДИЕВАДИ авуна.

Хейлин вахтунда давам хъайи къизгын акъажунра 1-доскадал 1-чкадиз Фарид МАГЪМУДОВ (Къурукаларин СОШ) лайихлу хъана. 2-

чка Рагъман РАГЪИМОВА (2-нумрадин СОШ), 3-чкани Рамидин КЪАМБАРОВА (3-нумрадин ООШ) къуна. 2-доскадал 1-чкадиз Наир ЭСКЕНДЕРОВ (Къурукаларин СОШ) лайихлу хъана. 2-чка Расим ИБРАГЪИМОВА (Хуьруьгрин СОШ), 3-чкани Султан ЖАФАРОВА (1-нумрадин СОШ) къуна. 3-доскадал 1-чкаяр Мадина ЖАФАРОВАДИ (1-нумрадин СОШ) ва Айнура ЖАФАРОВАДИ (Цуругърин СОШ), 2-чка Магъият АСЛАНОВАДИ (2-нумрадин СОШ) къуна. 4-доскадал 1-чкадиз Роман РАМАЗАНОВ (Къурукаларин СОШ) лайихлу хъана. 2-чка Расул ТАРХАНОВА (2-нумрадин СОШ), 3-чка Къурбан АБУБУКАРОВА (Хуьруьгрин СОШ) къуна.

Командайрин арада 1-чка Къурукаларин СОШ-ди, 2-чка Ахцегърин 2-нумрадин, 3-чкани 1-нумрадин СОШ-дин командади къуна. 1-чка къур командадиз ва шахматистриз райадминистрациядин жегъилрин крарин, спортдин ва туризмдин рекъай отделдин патай дипломар, 2 ва 3-чкаяр къурбуруз РУО-дин патай гъурметдин грамотаяр гана.

1-чкайриз лайихлу хъайи жегъил шахматистри гила мартдин вацра РД-дин кивенквечивал патал тухудай турнирда иштиракда. Умудлу я хьи, чи спотсменри анани хъсан нетижаяр къазанмишда.

